



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Cap. 14. De impedimentis impedientibus non dirimentibus.

[urn:nbn:de:hbz:466:1-72898](#)

Debet esse proprius Parochus, hoc satis est, ut declararunt Cardinales. Vnde si aliqui, ne à suo Parocho impedianter, dolosè cōferant se in aliam ciuitatem, animo reuertendi postquam contraxerint, non est matrimonium; vt recte Nauarrus lib. 4. Consilio 2. Idem dicendum si bona fide contrahant alibi: vt v.g. quia id eis est commodius, & quod ibi tunc versentur. Si tamen propria Parochia procul abeget, & illi non essent breui reuerfuri, puto illos posse vti Parocho loci, bona fide: non enim videtur consentaneum, vt teneantur diu exspectare, aut procul ire. Licentia etiam peti à proprio per literas non debet; quia non est ipsius concedere licentiam extra suum locum; vt recte Nauarrus lib. 4. tit. 1. Consilio 47.

Non debet sponte ad-
stare.

202
Parochus
sponsæ nō
potest as-
stere in pa-
rochia
sponsi.

Contractus
hic inuali-
dus non
habet vim
sponsaliū.

Vagabu-
ndi.

Peregrini.

Testes.

Nota Tertiò: Non esse necessarium, vt Parocho sponte adsit, vel ob hunc finem; sed sufficit esse præsentem, & aduertere quid fiat. Idem dicendum de testibus. Ita habet declaratio Cardinalium.

Nota Quartò: Quando sponsus & sponsa sunt diuersarum parochiarum, Parochum sponsa non posse assistere in parochia sponsi, vt habet declaratio Cardinalium: quia non potest in alienum subditum in aliena dicecisi seu parochia exercere speciem iurisdictionis externæ. Valet tamen si fiat: est contra Nauarrum lib. 4. tit. 1. Consilio 1. quia est reuera Parochus alterius partis.

Nota Quintò: Huiusmodi contractum sine Parocho vel testibus esse irritum, vt est contractus matrimonij. Dubium tamen est, vtrum non habeat saltem vim sponsalium? Cardinales dicuntur declarasse habere vim sponsalium ex interpretatione Iuris, quod est probable. Vide Candelabrum, de Sponfalibus num. 20. nam simili modo matrimonium impuberum, sponsalium vim habet. Contrarium tenet Nauarrus cap. 25. num. 44. quia Concilium ait: *Huiusmodi contra-
lum esse irritum & nullum*; id est, non solum in ratione matrimonij, sed etiam in ratione contractus in genere.

Nota Sextò: Vagabundos, qui nullam certam sedem habent, posse contrahere coram aliquo Parocho oppidi vel loci vbi fuerint: quia ille cēsetur eorum Parochus, vti declarauit Eugenius I V. teste Caetano Verbo *Absolutio*. Peregrinos autē seu alienigenas in loco aliquo ad breue tempus habitantes, ita vt non censeantur vagabundi, debere adhibere Parochum in cuius parochia habitant: is enim censetur proprius eorum Parochus; quod etiam declarauit Congregatio Cardinalium.

Nota Septimò: Loco testium sufficere patrem & matrem sponsi aut sponsæ, vel alios quosvis viros aut feminas, confanguineos aut extraneos. Quia Concilium loquitur generatim de testibus. Docet hoc Courruuias de Sponfalibus parte 2. cap. 8. §. 12. nu. 8. Aduerse tamen, non sufficere si matrimonium contrahatur coram Parocho & uno tantum teste: quia Concilium requirit vt minimum duos testes præter Parochum: adeoque matrimonium erit irritum.

DVBIVM II. Quidnam requiratur, vt predictum decretum Concilij vim habeat?

R Espondeo: Requiri duo vt decretum illud vim habeat. Alterum est, vt sit promulgatum in illa parochia, vbi contractus celebratur. Alterum, vt à promulgatione elapsi sint dies 30. Ita habetur cap. 1. sess. 24. Vnde

Infertur Primo: Si in parochia S. Petri promulgatum hoc decretum non esset, etiam si in S. Michaëlis esset, non irritaret matrimonia, quæ in S. Petri celebrantur.

Insertur Secundo: Hoc decretum multis in locis esse promulgatum, vbi tamen Concilium Tridentinum non est promulgatum. Nam multum differt huius decreti promulgatio à promulgatione aliorum. Alia enim non debet promulgari in singulis parochijs, sed sufficit vt in Ecclesia cathedrali promulgentur; neque opus est expectare 30. dies vt vim habeant; neque requiritur vt sapientius promulgentur, sicut Concilium iubet promulgari hoc decretum: quanquam absolute non sit necessarium, vt sapienter promulgetur. Reliqua, quæ ad promulgationes pertinent, & ad poenam eorum Sacerdotum, qui hoc decretum Concilij non seruant, vide in ipso Concilio sess. 26. cap. 1. que difficultatem non habent.

CAPVT X IV. De impedimentis impedientibus, non dirimentibus.

DVBIVM I.

Quanam impedimenta reddant matrimonium illicitum, sic tamen vt non dirimant?

R Espondeo: Varia esse matrimonij impedimenta, quæ illud illicitum reddunt, sic tamen vt non dirimant. Primo, Sunt quatuor genera votorum: scilicet, Votum simplex castitatis, Votum Religionis, Votum suscipiédi sacros Ordines, & Votum non nubendi. Patet ex Cap. *Meminimus*. & Cap. *Consulit*. & Cap. *Rursus*. tit. Qui clerici vel videntes. Vide dicta suprà c. 9. De impedimento voti.

Secundo, Sponsalia cum una persona contracta, reddunt matrimonium illicitum cum alia: sicuti promissio huius equi facta Petro, efficit, vt illicite eundem promittant Paulo.

Tertiò, Interdictum Ecclesiasticum: de quo diximus suprà cap. 2. de Interdicto n. 8. Aduerse, Prohiberi nuptias à 1. Dominica Aduentus usque ad Epiphaniam inclusiæ: & à die Cinerum, ad octauam Paschæ. Ita Concilij Trid. sess. 24. c. 10. Sine solenitate tamen liceret his temporibus contrahere & consummari. Ita Nauar. c. 22. nu. 71. & Caiet. Verbo *Matrimonium*; quia Concil. Trid. Tempus solūm prohibet solemnitates illis temporibus, quæ continent benedictionem in Missa, & solemnem traductionem in domum. Addo, etiam alijs temporibus consummari ante benedictionem nō esse peccatum: *Quia Concilium Trident. solūm horatur contrahentes, vt benedictionem fusciant ante consummationem.*

Kkkkij

Quarto,

Cognatio
ex Catechismo.

Quarto, Cognatio quedam spiritualis orta ex Catechismo reddit matrimonium illicitum. Patet ex Cap. Per Catechismum, de Cognitione in 6. Huiusmodi cognitione docet Nauar. c. 22. n. 72. esse restrictam inter catechizantem & catechizatum, eiusque parentes; sicuti restricta est cognatio spiritualis ex Baptismo & Confirmatione.

Excommu-
nicatio.

Quinto, Excommunicatione maior & minor s. quia haec impedit suceptionem Sacramentorum, inter quae est matrimonium.

Poenitentia
publica.

Sexto, Poenitentia solemnis: par enim est ut qui eam fecit, tota vita luctum praeserat. Patet Can. Antiqui. & Can. De his vero, 23. quæst. 2. Vide quæ diximus supra quæst. 90. art. 4. num. 9. vbi 12. penas publice poenitentium retulimus.

Sex crimi-
na.

Denique adde sex crimina. Primum est, Incestus: videlicet cum quis peccat cum consanguinea vxoris: & etiam secundum Nauarrum cap. 22. numero 75. cum quis peccat cum consanguinea propria: ita enim ait habere filium curia Romana. Quod intellige, si peccet uxore viuente: nam si ea mortua cognoscat consanguineam, sive suam, sive suæ uxoris, non facit iniuriam matrimonio, ob quam hoc impedimentum est institutum.

Vxorici-
dium.

Secundum crimen est vxoridium: si videlicet quis occidat suam uxorem, vt possit aliam ducere. Sin autem alia de causa occidat, non incurrit hoc impedimentum.

Presbyte-
ricidium.

Petes: An liceat uxorem in adulterio reprehensam occidere? Respondeo: Non licere, sed esse homicidam, qui id facit sua propria auctoritate. Si autem tradatur viro, tanquam ministro legum, non incurrit impedimentum, nec crimen nullum. De qua refutus egimus lib. 2. de Iust. & Iure cap. 9. dub. 5.

Rapto
sponsæ.

Tertium est, Presbytericidium, Capitulo Qui Presbyterum, de Pœnitentijs & remissionibus.

Quartum est, Raptus alienæ sponsæ: qui enim rapit alterius sponsam, cum nulla potest contrahere; vt habetur Cap. Statutum, 27. q. 2.

Proprij filij de sacro fonte suscep-
tis.

Quintum est, Proprij filij de sacro fonte suscep- tis, vel baptizatio malitiosa facta à coniuge, ne tentetur coniugi reddere debitum. De hac re quid sentendum sit, vide quæ diximus supra qu. 67. art. 8. num. 12.

Coniugij
cum moni-
ali.

Sextum est, Coniugium cum moniali scienter initum: vt patet Cap. Si ergo, 27. qu. 1.

D V B I V M II.
Vtrum cum votis supradictis contrahere,
sit peccatum mortale?

R Espondeo Primò: Certum est, contrahere cum voto non nubendi, esse peccatum mortale. Vbi tamen talis contraxcrit, ad nihil amplius tenetur, si nihil amplius voulit.

Dico Secundò: Etiam cum alijs votis contrahere animo consummandi matrimonij, est peccatum mortale, vt patet; quia est directè contra votum.

Petes: Quid si contraherit cum animo ingrediendi Religionem ante consummationem? Causatus Verbo Matrimonium tenet nō peccare. Idem tenet Angelus.

Contrarium tenet Nauarrus cap. 22. num. 73. Peccat qui Siluester V. Matrimonium 7. qu. 5. Sotus dist. 38. quæst. 2. art. 2. Et hoc tenendum: quia est contra Canones; vt patet ex Cap. Meminimus. & Cap. Consulimus. & Cap. Rursus. tit. Qui clerici, vel voluntates. Ratio est: quia exponit se periculo consummandi, & patieendi repulsam à Religione. Deinde facit iniuriam coniugi, que non tam faciliter inueniet maritum ob suspicionem copulæ. Si tamen nihil subsit incommodi, non videtur esse peccatum, præsertim si aliqua sit iusta causa contrahendi; vt v. g. si iurasset se ducturum Catharinam, & illa monita nollet dissoluere sponsaliam.

D Y B I V M III.
Quis posset in his impedimentis dispensare, vt licet posset contrahi matrimonium?

R Espondeo: Episcopus potest in omnibus dispensare, præterquam in sponsalibus cum alio contractis: nam hoc cederet in iniuriam tertij, & præterquam in voto castitatis, & Religionis, quæ referuantur Pontifici. In ceteris impedimentis, vt in cognitione ex Catechismo, & in sex criminalibus, vbi non est consuetudo dispensationem petendi, non est peccatum mortale sine dispensatione contrahere; vt docet Nauar. cap. 22. n. 85. Adde, ne veniale quidem esse, vbi est consuetudo: quia consuetudo habet ym abrogandi omnem legis obligationem.

F I N I S.

INDEX